

© RABU 27 APRIL 2016

BH

LAPORAN TAHUNAN PROGRAM TRANSFORMASI NEGARA 2015

Oleh Rohaniza Idris, Nazura Ngah, Mohd Azron Sarabatin, Mohd Iskandar Ibrahim, Nora Mahpar, Maria Uffa Zulkafeli dan Ahmad Suhael Adnan

# PM kongsi kejayaan hasil NTP

» Najib sampai laporan guna pendekatan pengkisahan

Kuala Lumpur

**P**erdana Menteri, Datuk Seri Najib Razak ketika menyampaikan laporan NTP 2015 malam tadi, menggunakan pendekatan pengkisahan kejayaan individu dan syarikat yang berjaya mengubah hasil bantuan kerajaan melalui pelbagai program transformasi itu.

Menariknya, individu dan wakil syarikat terbabit turut berada di dalam Auditorium di Angkasapuri dan diberikan tepukan gemuruh sebaik nama mereka disebut Perdana Menteri.

**Transformasi masyarakat**  
Perdana Menteri berkata, beliau menghawa pengkisahan itu bagi menunjukkan bantuan kerajaan melalui NTP bukan saja berjaya mengubah untung nasib dan mentransformasikan individu tetapi juga masyarakat sekeliling.

Lebih manis individu dalam pengkisahan itu turut dipanggil naik ke pentas ketika Perdana Menteri melancarkan Laporan Tahunan Program Transformasi Negara 2015.

Antara individu yang disebut dalam pengkisahan itu adalah:

• Chik Azmily Che Abdul Aziz, tukang kebun dan pemetik buah sawit dari Kelantan yang berjaya mengubah kehidupan daripada pendapatan RM500 kepada RM10,000 sebulan selepas me-



Najib bersama Ketua Pegawai Eksekutif, Unit Pengurusan Prestasi dan Pelaksanaan (PEMANDU), Datuk Seri Idris Jala (lima dari kiri) dan Ketua Setiausaha Negara Tan Sri Dr Ali Hamsa (tiga dari kanan) bergambar bersama peserta program NTP pada majlis pelancaran Laporan NTP 2015 di Kuala Lumpur, malam tadi. (FOTO MOHAMAD SHAHIL RADRI SAALU/BH)

nyertai program IAZAM Tani.

• Manimaran Ekamparan, pemilik syarikat makanan ringan M S Village Foods Sdn Bhd, dari Perak menerima Pensijilan Piawai Kualiti di bawah Program Makanan Selamat Tanggungjawab Industri (MeSTI) dengan nilai jualan tahunan syarikatnya, meningkat daripada RM1.9 juta kepada RM3 juta pada 2014. Beliau kini membekalkan makanan ringan untuk Malaysia Airlines Berhad dan AirAsia.

• Azhar Zainal Abidin, pemilik ProEight Sdn Bhd, syarikat pengilang kedap dan pam mekanikal yang kini mengendalikan 20 projek di Thailand dan mengembangkan perniagaan di Arab Saudi.

• Sekolah Asrama Bantuan Kerajaan Imtiaz Yayasan Terengganu di Besut yang mencatat

kecemerlangan dalam banyak pertandingan antarabangsa dan pingat emas dan perak dalam Kaohsiung International Invention and Design EXPO 2015.

• Sidi Tuba dari Mukah, Sarawak, peserta IAZAM Tani yang berjaya meningkatkan pendapatan isi rumah daripada RM450 sebulan kepada RM9,000 hasil bantuan Jabatan Pertanian Sarawak.

• Patang Saharing, peserta program Skim Permulaan Usahawan Bumiputera atau SUPERB dari Tawau menubuhkan Spa Pergi-gian, yang kreatif menggabungkan khidmat perigi-gian dalam persekitaran herkonsep spa yang bersuasana santai dan kondusif.

• Pekebun kecil sawit, Lia Ah Kau dari Kuala Krau, Pahang, yang mendapat bantuan tanam semula pokok sawit yang sudah berusia 40 tahun, hasil tuai-

nya kini meningkat sekurang-kurangnya 30 peratus lebih berbanding sebelumnya.

• Syarikat Uzma Berhad, yang digelar 'Schlumberger Malaysia', diketuai oleh Datuk Kamarul Redzuan Muhamed yang memanfaatkan kepesatan kemajuan negara mengembangkan perniagaan ke 36 negara.

• Syarikat PapaRich Malaysia Sdn Bhd yang dimiliki Datuk Rich Tan dan Chen Kai Woon memanfaatkan kepesatan kemajuan negara untuk membina empayar perniagaan sendiri. PapaRich kini mempunyai 83 cawangan di Malaysia serta 38 di luar negara.

• Pemanca Philip, dari Baris, Sarawak yang menerima bantuan bekalan elektrik melalui program pembangunan kawasan luar bandar.